



1203
18



門 伽3
籍 1209
卷 18



喻林一葉卷二十

江陰 王蘇儕嶠刪纂

政治門

端本

四時為柄

禮運聖人作以天地為本以陰陽為端以四時為柄以日星為紀

音和響必清

宋書樂四志音和響必清端影緣直表

招高者高

鷓冠子泰錄致治之自在已者也招高者高招
庠者庠

官人守數

荀子君道官人守數君子養源

膏壤在芟

抱朴廣譬膏壤在芟而柯葉含榮率俗以身則

不言而化故有唐以鹿裘臻太平齊桓以捐紫

止奢競

水清照淨

文苑英華梁武帝雜箴水清照淨表直影端

尚德

執左契

老子任契聖人執左契而不責于人有德司契
無德司徹

右手運策

孔叢子刑論文子曰以御言之左手執轡右手運策不亦速乎若徒轡無策馬何懼哉孔子曰吾聞古之善御者執轡如組兩驂如舞非策之助也

無轡用策

孔叢子刑論無轡而用策則馬失道矣

仁義爲劍

鹽鐵論論勇所謂金城者○言以道德爲城以仁義爲郭莫之敢攻莫之敢入文王是也以道德爲軸以仁義爲劍莫之敢當莫之敢御湯武是也

天生草木

意林鬼谷子以仁化人猶天生草木以雨澤潤之

創始

杓觶旁建

晉書輿服志見秋蓬孤轉杓觶旁建乃作輿輪而方圓異則

聖人師蜂

關尹三極聖人師蜂立君臣師蜘蛛立網罟師拱鼠制禮儀師戰蟻置兵衆守成

五穀百草

前漢書註禮樂志五穀百草秀穎成實皆因舊苗無廢絕也

法制

以官爲轡

大戴禮記盛德古者以法爲銜勒以官爲轡以刑爲策以人爲手

百工爲器物

史記張丞相列傳註百工爲器物皆有尺寸斤

兩皆使得宜

馬能千里

晉書慕容垂傳馬能千里不免羈絆明畜生不可以人御也

匠萬物

南齊書孔稚圭傳匠萬物者以繩墨為正馭大國者以法理為本

分田用鈎

慎子君人分馬之用策分田之用鈎非以策鈎為過于人智所以去私塞怨也

鏡執清

韓非飾邪鏡執清而無事美惡從而比焉衡執正而無事輕重從而載焉

發矢中的

韓非用人發矢中的賞罰當符故堯復生羿復立

以鼓語耳

韓非用人其心難知喜怒難中也故以表示目以鼓語耳以法教心

循繩而斲

淮南說林訓循繩而斲則不過懸衡而量則不差

水者火之備

鹽鐵論申韓水者火之備法者姦之禁也

挽草爲鞫

揚子吾子斷木爲棊挽草爲鞫亦皆有法焉

漁人張網

意林阮子漁人張網于淵以制吞舟之魚明主張法于天下以制強梁之人

明鏡龜策

意林新論明鏡龜策也章程斛斗也銓衡丈尺也

文武

五行殊性

劉子文武五行殊性俱為人用文武異材並為大益

繳者身仰

劉子文武繳者身仰釣者身俯

寬嚴

宋人到馬

論衡非韓篇宋人有御馬者不進拔劍剄而棄之溝中又駕一馬又不進又剄而棄之于溝若是者三以此威馬至矣然非王良之法也

王良登車

論衡非韓篇王良登車馬無罷驚堯舜治世民無狂悖○王良全馬宋人賊馬也

教化

泥在釣

漢書董仲舒傳猶泥之在鈞唯甄者之所為猶金之在鎔唯冶者之所鑄

君杆民水

後漢書宦者列傳君如杆民如水杆方則水方杆圓則水圓

桑葚甜甘

晉書張天錫傳桑葚甜甘鴟鵂草響乳酪養性人無妬心

陶冶成器

宋書禮一志譬諸土石陶冶成器

若璽印塗

隋書潘徽文學傳若璽印塗猶防止水

天下可陶

管子地數黃帝問于伯高曰吾欲陶天下而以爲一家爲之有道乎伯高對曰請刈其蕘而樹之吾謹逃其爪牙則天下可陶而爲一家

君子舞象

孔叢子權世君子舞象小人擊壤上化使然又何足賞

大禹善治水

徐幹中論貴言大禹善治水而君善導人

辭者主之弓弩

意林周生烈子辭者主之弓弩教者君之機關
風俗

削方爲圓

晉書熊遠傳世人削方爲圓撓直爲曲

竹之性浮

淮南齊俗訓夫竹之性浮殘以爲牒束而投之水則沈失其體也金之性沈託之于舟上則浮勢有所支也夫素之質白染之以涅則黑縑之性黃染之以丹則赤人之性無邪久湛于俗則易易而忘本合于若性

羅門之羅

說苑古之魯俗塗里之間羅門之羅收門之漁獨得于禮是以孔子善之夫塗里之間富家為貧者出羅門之羅有親者取多無親者取少收門之漁有親者取巨無親者取小

有山者採

博物志有山者採有水者漁

賞罰

晉言一晝

周易正義晉訟言終朝晉言一晝俱不盡一日明黜陟之速

刑九賞一

商子去強王者刑九賞一強國刑七賞三削國刑五賞五

鈎飾在前

韓非外儲說右延陵卓子乘蒼龍桃文之乘鈎

管子卷二十一
飾在前錯鍍在後馬欲進則鈎飾禁之欲退則錯鍍貫之馬因旁出造父過而爲之泣涕

賞如山

尉繚子兵教武王問太公望曰吾欲少間而極用人之要望對曰賞如山罰如谿

賞猶春雨

抱朴廣譬明君賞猶春雨而無霖淫之失

晷運于天

劉子賞罰晷運于天則時成于地法動于上則治成于人

溫風發春

劉子賞罰溫風發春所以動萌芽也

歲爲善星

困學紀聞杜牧註孫子歲爲善星不福無道火爲罰星不罰有德

號令

天以時為權

管子山權數天以時為權地以財為權人以力為權君以令為權

雷不一

揚子先知鼓舞萬物者其雷風乎鼓舞萬民者其號令乎雷不一風不再

禮樂

弓良在檄格

揚子法言注五百篇弓良在檄格人良在禮樂

齊禮

醞酒在堂

坊記醴酒在室醞酒在堂澄酒在下

水行者表深

荀子大略水行者表深使人無陷治民表亂使人無失禮者表也

離先稻熟

淮南泰族訓離先稻熟而農夫耨之不以小利傷大獲也

和樂

雨出于山

禮記正義樂記樂出于人而還感人猶如雨出于山而還雨山火出于木而還燔木

絲不如竹

桓温問孟嘉曰聽伎絲不如竹竹不如肉何謂

也答曰漸近自然

擊轅中韶

困學紀聞崔駰西巡頌表唐虞之世樵夫牧豎擊轅中韶感于和也班固集擊轅相杵亦足樂也曹子建書擊轅之歌有應風雅柳子厚云擊轅拊缶宋景文云壤翁轅童皆本于崔班

操約

南視定

毛詩定之方中註度日出入以知東西南視定北準極以正南北

舉網提綱

南齊書顧歡傳舉網提綱振裘持領綱領既理毛目自張

軌守其數

管子山權數軌守其數準平其流動于未形而守事已成

成事以筭

管子版法解取人以已成事以筭成事以筭者用稱量也取人以已度恕而行也

以戈舂黍

荀子勸學不道禮憲以詩書爲之譬之猶以指測河也以戈舂黍也以錐飡壺也不可以得之矣

要在中央

韓非子事在四方要在中央聖人執要四方來効

茲鄭子引輦

韓非外儲說右茲鄭子引輦上高粱而不能支茲鄭踞輶而歌前者止後者趨輦乃上

造父方耨

韓非外儲說石造父方耨時有子父乘車過者馬驚而不行其子下車牽馬請造父助我推車

造父因收器輟而寄載之援其子之乘乃始檢轡持筴未之用也而馬轡驚矣

寸生于稌

淮南主術訓夫寸生于稌稌生于日日生于形形生于景此度之本也樂生于音音生于律律生于風此聲之宗也

防萌

衣缺不補

鹽鐵論衣缺不補則日以甚坊漏不塞則日以

滋

交脩

日月代明

三墳形墳日月代明聖人以君臣代政

爲上唯周

太公六韜大禮爲上唯周爲下唯定周則天也
定則地也或天或地大禮乃成

左操五音

管子宙合左操五音右執五味此言君臣之分
也君出令佚故立于左臣任力勞故立于右

羽金朋合

太元經第二務解矢而自升羽之力也羽金朋
合而後乃飛

天地相迎

太元經第四迎解天地相迎則風雨時調君臣

相迎則政教以度

台宿在天

藝文類聚帝王部劉琨勸進元帝表台宿在天
實承宸極股肱雖卑同體元首

等則

尊者食新

毛詩甫田註尊者食新農夫食陳

人定為輿

詰氏解左傳昭公五年日中當王食時當公平
日為卿雞鳴為士夜半為阜人定為輿黃昏為
隸日入為僚晡時為僕日昃為臺

中食旦為三

春秋正義昭公五年位以王公卿為三日以中
食旦為三

崇山君

三墳山墳崇山君伏山臣列山民

象君日

三墳山墳象君日象臣月象民星

沐瀆無界

賈子等齊此之不行沐瀆無界

賜法天雨

白虎通五行王者賜先親近後疎遠何法法天
雨高者先得之也

翰林一葉卷二十

翰林一葉卷二十一

江陰 王蘇儕嶠刪纂

政治門

均調

以水益水

國語解鄭史伯對桓公土氣和而物生之國家
和而民附之若以水益水盡乃棄之無所成也

甄陶在和

揚子先知甄陶天下者其在和平剛則甄柔則
坏

祝啟希聲

陸機演連珠祝啟希聲以諧金石之和鞀鼓踈
擊以節繁弦之契

漸舉

從水之科

太元經第二從次五從水之科滿測曰從水滿

科不自越也

寬大

霜雪晚至

鹽鐵論論菑霜雪晚至五穀猶成雹霧夏隕萬
物皆傷

貴平

臨官莫如平

孔子集語上臨官莫如平臨財莫如廉

理有一準

魏書出帝紀理有一準則民無覬覦法啟二門則吏多威福

投鈎以分財

慎子威德投鈎以分財投策以分馬

五雀六燕

藝文類聚九章算術五雀六燕飛集衡衡適平一雀一燕飛而易處則雀重而燕輕

吾心如秤

太平御覽諸葛亮書吾心如秤不能爲人作輕重

明刑

剪韭復生

南齊書孔稚圭傳史臣剪韭復生寧失有罪抱木牢戶未必非冤

網疏則獸笑

鹽鐵論刑德網疎則獸笑法疏則罪漏

執法者國之轡銜

鹽鐵論刑德執法者國之轡銜刑罰者國之維
楫

尚威

布帛尋常

史記李斯傳布帛尋常庸人不釋鑠金百鎰盜
跖不搏

荆木冬生

易林歸妹之乾荆木冬生司寇緩刑

筆秃鉛之以刀

揚子法言注問道篇刀鈍礪之以砥筆秃鉛之
以刀

簡易

布指知寸

大戴禮王言布指知寸布手知尺舒肘知尋十

尋而索百步而堵三百步而里千步而井

因攢而縫

韓非用人則下得循法而治望表而動隨繩而
斲因攢而縫

餅甌有堤

淮南詮言訓蓼菜成行餅甌有堤量粟而舂數
米而炊可以治家而不可以治國滌杯而食洗
爵而飲浣而後饋可以養家老而不可以饗三

軍

河出小魚

易林无妄之豐河出小魚不宜勞煩苛政害民
君受其患

節力

足寒傷心

劉子愛民足寒傷心民勞傷國

武王筮書

玉海太公陰謀武王曰吾欲造起居之誠隨之
以身筮書曰馬不可極民不可劇馬極則躓民
劇則敗

書井

玉海踐阼篇集解太公金匱書井曰原泉滑滑
連早則絕取事有常賦斂有節

順民

埴在埴

管子任法篇昔者堯之治天下也猶埴之在埴
也惟陶之所以為猶金之在鑪也恣冶之所以
鑄

孺子驅雞

申鑒政體睹孺子之驅雞也而見御民之有道
管子借耳

意林物理論但知管子借耳于天下不知堯借
人心而後用其耳目

安民

衛人佐弋

韓非內儲說左上衛人有佐弋者鳥至因先以其襍麾之鳥驚而不射也

飛蓬集衡

太平御覽王朗表飛蓬隨風集于王梁之衡而駟馬為之奔

足民

囊漏貯中

南史范泰傳囊漏貯中識者不吝反裘負薪存毛實難

霸者富士

荀子王制王者富民霸者富士

淵之與阪

呂氏春秋長攻且夫饑代事也猶淵之與阪誰國無有

激勸

趙簡子白騾

呂氏春秋決勝趙簡子有兩白騾而甚愛之陽城胥渠處廣門之宮夜欵門而謁曰○得白騾之肝病則止○簡子○召庖人殺白騾取肝布澤

冬有積雪

鄭氏箋詩信南山冬有積雪春而益之以小雨

潤澤則饒洽

雲天成陰

三墳形墳雲天成陰聖人以澤蔭庶物

天波旣洗

梁書袁昂傳天波旣洗雲油遽沐

積雨潤下

京氏易傳大畜上積雨潤下畜道光也

望治

歡樂井

太平御覽宋王元謨壽陽記三伏之日炎暑赫
曦男女行來其氣短急望見義井則喜不可言
未至而憂既至而樂號爲歡樂井

理財

壤可以爲粟

管子中匡壤可以爲粟木可以爲貨

玉起于禺氏

管子國蓄玉起于禺氏金起于汝漢珠起于赤
野

山人足乎魚

荀子王制澤人足乎木山人足乎魚

周人以紫石

鹽鐵論錯幣夏后氏以元貝周人以紫石後世
或金錢刀布物極而衰終始之運也

四海爲匣匱

鹽鐵論禁耕民人以垣墻為藏閉天子以四海為匣匱

通變

一文一質

周書蘇綽傳天地之道一陰一陽禮俗之變一文一質

為政猶沐

韓非六反為政猶沐也雖有棄髮必為之愛

伯余初作衣

淮南汜論訓伯余之初作衣也綖麻索縷手經指挂其成猶網羅後世為之機杼勝復以便其用而民得以揜形御寒

摩蜃而耨

淮南汜論訓古者剡耜而耕摩蜃而耨木鉤而樵抱甄而汲民勞而利薄後世為之耒耜耨耒耜耨耨而樵桔槔而汲民逸而利多焉

車無蟬匱

淮南說林訓古之所為不可更則車至今無蟬匱

蟬不知雪

鹽鐵論相刺搏規而非矩執準而非繩通一孔
曉一理而不知權衡以所不覩不信人若蟬之
不知雪

矩規三雜

說苑修文聖人之與聖也如矩之三雜規之三
雜周則又始窮則反本也

乘船登山

抱朴省煩當乘船以登山策馬以涉川被甲以
升廟堂重裘以當隆暑乎

撥亂

拔車山淵

太元經第一磧次五拔車山淵宜于大人測曰

拔車山淵大位力也

丈人播船

太元經第六將次八小子在淵丈人播船測曰
丈人播船濟溺世也

思樹芳蘭

文選袁宏名臣序贊思樹芳蘭剪除荆棘

更新

伊尹醫殷

鵬冠子世賢龐煖曰王其忘乎昔伊尹醫殷太
公醫周武王百里醫秦申庶醫郢原季醫晉范
蠡醫越管仲醫齊而五國霸其善一也

解劍帶笏

淮南道應訓去其瞽而載之木解其劍而帶之
笏

久成

五年再閏

後漢書朱浮傳傳曰五年再閏天道乃備夫以天地之靈猶五載以成其化况人道哉

天覆萬物

管子形勢解天覆萬物

星如歲如

太元經第六養上九星如歲如復繼之初

視效

泉水有芹

毛詩正義采菽泉水有芹而人得采焉王者有道而諸侯法焉

鴻鵠鏘鏘

管子形勢鴻鵠鏘鏘唯民歌之濟濟多士殷民化之

蠖屈于葉

元倉子政道夫人俗隨國政之方圓猶蠖屈之于葉也食黃則身黃食蒼則身蒼

齊桓好紫

尹文子大道上昔齊桓好紫闔境不鬻異彩

上求楫

淮南說山訓上求材臣殘木上求魚臣乾谷上求楫而下致船上言若絲下言若綸

草戴風

劉子從化草之戴風風驚東則東靡驚西則西靡

治效

摘藻為春

文選張景陽七命皇風載躋時聖道醇舉實為秋摘藻為春

閑田生稻

梁書元帝紀野蠶自績何謝歐絲閑田生稻寧殊雨粟

種一得十

易林萃之姤種一得十日益有息仁政獲民四國親睦

被珠銜玉

易林未濟之離被珠銜玉沐浴仁德

萬流仰鏡

文選顏延之釋奠詩庶士傾風萬流仰鏡

鳥獸實于林

意林鼃錯新書善為治者士實于朝野牛馬實

于陸鳥獸實于林

丹邱千年一燒

拾遺記丹邱千年一燒黃河千年一清

至治

上如標枝

莊子天地至德之世不尚賢不使能上如標枝民如野鹿

青龍進駕

淮南覽冥訓青龍進駕飛黃伏阜

竹實滿

淮南本經訓鳳麟至著龜兆甘露下竹實滿流
黃出而朱草生

喻林一葉卷二十一



